

Ferðasjóður HA

Forsendur og úthlutunarreglur styrkja úr Ferðasjóði HA

Háskólaráð samþykkir að leggja til fé í ferðasjóð starfsfólks Háskólans á Akureyri. Háskólaráð ákveður árlega þá upphæð sem verja skal til sjóðsins og setur reglur um sjóðinn og úthlutun úr honum.

Stærri styrkur

Hverjir geta sótt um?

1. Fastráðnir lektorar, dósentar og prófessorar
2. Sérfræðingar, fræðimenn og vísindamenn sem ráðnir eru á grundvelli hæfnisdóms á stofnunum Háskólans á Akureyri.
3. Aðjúntar 1, nýdóktar og aðrir þeir starfsmenn Háskólans á Akureyri sem fá störf sín metin samkvæmt matskerfi opinberra háskóla.

Hvað er styrkt?

Styrkir eru veittir styrkþega til ferða á alþjóðlegar vísindaráðstefnur, til þátttöku í alþjóðlegum vísindalegum verkefnum og til gagnaöflunar vegna rannsókna að uppfylltum eftirfarandi úthlutunarreglum Ferðasjóðs HA:

1. Til að fá styrk úr Ferðasjóði HA til ferða á alþjóðlegar vísindaráðstefnur þarf viðkomandi að vera með framlag á ráðstefnunni.
2. Hægt er að sækja um styrk ef tilefni ferðar er að koma af stað rannsóknarsamstarfi. Rökstyðja skal það sérstaklega og lýsa vandlega fyrirhuguðu samstarfi/rannsókn með höfuðáherslu á líklegan ávinning samstarfsins fyrir starf viðkomandi við Háskólann á Akureyri.
3. Hægt er að sækja um styrk til ferðar til þess að afla nauðsynlegra gagna til rannsókna í bókasöfnum/skjalasöfnum/rannsóknastofnunum í útlöndum, enda sé ekki kostur á að afla þeirra með öðrum hætti. Rökstyðja skal það sérstaklega og lýsa vandlega nauðsyn á fyrirhugaðri gagnaöflun og ástæðum þess að ekki sé unnt að nálgast gögnin með öðrum hætti.

Styrkir úr Ferðasjóði HA skiptast í styrki til greiðslu fargjalda og styrki til greiðslu dagpeninga. Ekki eru greiddir dagpeningar vegna ferð innanlands.

Heimildartímabil

Heimildartímabil er tvö almanaksár. Hámarksstyrkur úr Ferðasjóði HA til hvers umsækjanda getur á hverju heimildartímabili numið 150.000 krónum til greiðslu fargjalda. Hámarkslengd einstakra ferða eru tveir dagar umfram lengd ráðstefnu, þó ekki meira en 7 dagar. Hvað lektora, dósentar, prófessorar, sérfræðinga, fræðimenn og vísindamenn varðar er heildarfjöldi daga á ári 7. Heildarfjöldi daga aðjúnktar 1, nýdóktara og rannsóknarfólks sem fellur undir matskerfi opinberra háskóla eru 7 á tveggja ára tímabili. Hægt er að skipta styrknum til fleiri en einnar ferðar á hverju heimildartímabili. Hámarksstyrkur miðast við 100% starfshlutfall.

Heimild starfsmanna í lægra starfshlutfalli til styrkja

Starfsmenn í störfum sbr. 1 grein og eru í aðalstarfi við Háskólann á Akureyri, með starfshlutfall 51% eða meira njóta styrkja úr Ferðasjóði HA í samræmi við starfshlutfall. Starfsmenn með lægra starfshlutfall njóta ekki stærri styrkja úr Ferðasjóði HA.

Minni styrkur Ferðasjóðs HA - úthlutunarreglur:

Auk þess veitir Ferðasjóður HA ferðastyrki öðru starfsfólki háskólans í 50% starfi eða meira sem starfað hefur samfellt í 12 mánuði hjá Háskólanum á Akureyri. Hægt er að sækja um minni styrk annað hvert ár. Styrkupphæð er 100.000 kr.

Styrkir eru veittir styrkþega til ferða á alþjóðlegar vísindaráðstefnur, til þátttöku í alþjóðlegum vísindalegum verkefnum og til gagnaöflunar vegna rannsókna að uppfylltum eftirfarandi úthlutunarreglum Ferðasjóðs HA:

1. Til að fá styrk úr Ferðasjóði HA til ferða á alþjóðlegar vísindaráðstefnur þarf viðkomandi að vera með framlag á ráðstefnunni.
2. Hægt er að sækja um styrk ef tilefni ferðar er að koma af stað rannsóknarsamstarfi. Rökstyðja skal það sérstaklega og lýsa vandlega fyrirhuguðu samstarfi/rannsókn með höfuðáherslu á líklegan ávinning samstarfsins fyrir starf viðkomandi við Háskólann á Akureyri.
3. Enn fremur er hægt að sækja um styrk til ferðar til þess að afla nauðsynlegra gagna til rannsókna í bókasöfnum/skjalasöfnum/rannsóknastofnunum, enda sé ekki kostur að afla þeirra með öðrum hætti. Rökstyðja skal það sérstaklega og lýsa vandlega nauðsyn á fyrirhugaðri gagnaöflun og ástæðum þess að ekki sé unnt að nálgast gögnin með öðrum hætti.

Stjórn Rannsóknasjóðs HA fer með stjórn Ferðasjóðs HA og úthlutar styrkjum í samræmi við ofangreindar reglur. Senda skal umsókn til stjórnsýslu rannsókna á sérstöku eyðublaði ásamt fylgigögnum sem þar eru talin.